

# BEREIZTASUNA'ri LOTSA

## AURKEZPENA

Europa ta Espaina`ko Laterri onetan, gogo edo asmo barri bat esan leike asi dala urduritasun guztiaz mugi-aldian.

Gizartean, urduritasuna egotea ez da arrigarria, gizarteak berak, artu dauan erabagiaz, ez dakialako oraindiño, noraiño eroango dauan, artu dauan ardurazko ezkeintza barri orrek.

Dana dala, artu dauan erabagia ona da, eta garai egokienetako baten.

Baiña. . . , zergaitik Urduritasuna. . . ?.

Español sendimenduan dagozenai batez-be, erdira-zaleko guzur aundietan, batzuen egokitasunerako irakatsita dagozelako.

Eta sendimendu orren guztiz aurka, izatasun onetan agertzen dalako demokrazian sakondu egin ezker, gero ta geiagoko zeaztasunak eskatzen dabezelako, danon arduratan lotsagizun aundiz, arrazoiak eskatzen dauan bereiztasun arteko ordezkartzaren eskubide ta bete edo egin bearrezkoak, ondo zeaztuta geratu daitezcan.

Eta eginkizun orregaz, erdirako zaletasun ori ezereztu egiten dalako.

Orduan. . . , zergaitik onartutako erabagia. . . ?.

XVIII`n gizaldian Europa guztian, bereizitasunaren aurka espatearen indar guztiaz ipinitako, diran menperatzaille ta erdirakoi Laterri oneik, gaurko gizartean eta jaurkintzazko arau onekaz, ezin dalako aurrerantza egin, bear dan zuzen eta zeaztasuneko arloan.

Askeneko lau urte oneitan, lar ikusi dogu, jaurkintza orrek euki dauan gaieztasunagaz. Danon ardurak indarkeriz, esku batzuetan bakarrik lotu ezker, besteak, arduragabekoak agertzen diralako.

Joan gaitezcan ba ikertzen, zer sortzen dan Europa ta Espaina`n, gero, Euskadi`ren arazoetan sartu gaitezcan.

## EUROPA`n

Europa`ren barruko gogoan, demokraziaren sakontasunak beartuta, ba-dago aspalditik oldozmen edo gogapen bat, arduraren arloak zabaltzeko, Europa`ren zeregiñak erreztu daitezcan.

Gogapen oneik, nai-ta naiezko bide bakarria daukie demokrazian jokatu gura dan ezker. Bereizitasunaren arloa da ori.

Nortasunaren arlora esan gura dau orrek, ez dagoelako beste lekuri, berezko errietan izan ezik.

Europa ta Mundu onetan, Eurak bakarrik diralako legezkoak, edo Nortasunean norbait ! legezko maillan, berez-izatezko gizakitan, bazkunean ta errietan.

Etsai aundiak daukaz oldozmen orrek, XVIII`n gizaldian ezarri ziran Laterriak, gaurko Laterrien bizi-bidea lez, eginkizun bardiña daukielako.

Diruaren kontrolagaitik egiten dabe guzti ori. Eta geienean, esku gutzitan egon daiten.

Beste goi-maillako gizaren betiko ameskeritan ?

Edesti guztian egin dabe bardin, antolamendu on-baten aitzakiagaz, jaurkintzak, erlijioa, dirua ta gudaloztearen indar guztiak eskuratuta.

Azkeneko goi-maillaraño eldu dira, Laterriak, berezko erri-maillan ezarri gurean. Baiña. . . ? Laterriak Erriak dira. . . ?. Noren borondatez onartuak. . . ?. Or ! daukaguz erromatarrengandik asi-ta, betiko menperatzaillle ta berezitasun arteko borroka latza.

Giza, arduradun jaiotzen da, eten-bako berrizkuntza baten, eta ez dau onartzen, batzuk oparotasunean eta beste batzuk txirotasunean bizitzea.

Orregaitik, gizartearen berrizkuntzako arduran, gero ta indar geiagorekin agertzen dira, bakearen egarriak. Ez daukalako iñungo zentzurik gabiltzan eztaibadakaz. Mundu onetako diru ta mozkin guztia, batzuen kontrol-pean eukitearren.

Alan dala, atzoko Deian (2. 004`an Jorrailla`ren 18`ko igandean) irakurri neban "EFE" albiste-bidetik batuta Europa`ko batzordearen (Comisión Europea) lendakaria dan Romano Prodi`k esandakoa: " en el día de ayer advirtió Prodi, de que las regiones que dejan de pertenecer a un país comunitario y se convirtieran en un estado independiente, cesarian de formar parte de la U. E. "

Asi, explico Prodi, " que el territorio independiente, pasaria inmediatamente a ser considerado un tercer país con respecto a la U. E. y los tratados comunitarios dejarían de ser de aplicación".

Ori ez da PP`koak guri esaten dauskuena.

Guri, PP`koak keiñuka esaten dauskuena: " U. E`gandik kanpoan geratuko giñela " askatasunaren aginpidea artu ezkeru.

Eta esan-ori, betiko lez, guzur utsa da.

Guk, Laterriaren erkidetasunetik urten ezkeru, eskubide osoko erri artean edo sorterrien antolamenduan sartuta geratuko giñalako. Euskadi Europa`koa dalako eta zaarrena gaiñera.

Orregaitik, zeozer asi da mugi-aldian, eta ez da gitxi, daukaguzan Laterri erdirakoi oneik, berezkitasunaren guttiz etsaiak diralako.

Begitu bestela, Amerikarren gandik asita ta beste Laterri-menperatzaillleakaz batera, zelan gura daben Munduko mozkin ta diru guztia euren kontrolpean euki, Mundu guzti onen erri-arteke buruan O. N. U. `ren jaurkintza ipini gure dana, Munduko erri-arteantolamenduzko epaiketetan lan egin dagian bakea lortzeko. Zelan urruntzen diran, eurak gaiñetik geratuta, indar geien daukielako.

Amerika`n, dagozan amerikarrak Europa`tik joaneakoak dira, eta Europa`ko Laterrien legearekin, orregaitik berezko legearen aurrean daukiez gure arazo bardiñak.

Alkartu egiten dira, baiña ezin dabe lortu, guzurak nun-nai agertzen jakiezelako, berezitasunezko legeen kanpo aldetik ibiltégaitik.

## **ESPAINA`n:**

Espainia`tarrak, erdi-aro`ko denbora luzetatik ibili dira beste erriak ezereztu naian eurak izateko.

Eta eziñean, XVIII`n gizaldian gudaren bidez asi-ta XIX`n gizaldian lortu eben espatakaz laterrizko menperatasun ori.

Europa`ko erriak eta Euskaldunak batez be, ez eben alboratu, euren askatasunezko demokraziaren egarria, eta iru guda-latz-garri ostetik, ostera be gagoz eskaera bardiñarekin.

Gaurkoak, ez dira lenagoko denborak, billakuntzan, barrizatzerako argi-bideak, ezin besteko azkartasunean, Mundu gutziko gizartea, bereala ipinten daualako jakin-arazian.

Eta begitu, erritarrak zelan konturatu diran azkeneko atezkundeetan, Espainia`ko jaurkintzatik PP`ko guzurtiak atarateko.

Denbora barri-baten esan leike gagozela, Zapatero`ren berbakaz, itxaropenezko atek zabaltzen diralako. Nai-ta berak esan arren, Espaina beren aberria dala.

Ikusi bear. . . , Laterri-menperatzaillerean indarrak aundiak diralako.

A-ta guzti, ni itxaropentsu agertzen naz, Sozialismua`ren jaurkintzak Zapatero buru dala, U. E ta O. N. U. `ren demokrazizko antolamendu barriagaz jokatu gure daualako, eta beren esanetan: " oso osoan, demokraziaren zeaztasunetan sinisten daualako " .

## **EUSKADI`n**

Gaur, iñoz baiño geiago, alderdikeri ta gizon/emakumeen arrokeri ustelak albortu egin bear doguz, danon arteko zuurtasun ekintza baten.

Danok, Euskadi`ren elburuari begitu bear dautsagu, gure indarrak, benetan onbizkoak izan daitezcan.

Eta ezin dogu lotan geratu, iñoz baiño geiagoko lan aundia daukagulako aurrean.

Gure askatasunaren arazoak, erria jasotzea, gazteak jakintza aundian ezartzea, espetxeratuak etxera ekartea eta abar, ezin diralako lortu, gure lana, zeaztasun ta zuurtasunezko ekintza baten ez bada ezartzen.

Emen, Agirre ta Lekube`tar Jose Antonio`ren jaurkintza gogoratzen dot, egin eban zeaztasunez zuurtasunezko ta eten-bako lana, arrigarrizkoa izan zalako. Danak ! erri ta jaurkintza buru-belarri alkartuta elburua`ri begira, ezin beste sinismeneko ekintza baten.

## **EUSKALERRIA BETI BIZI DA EUROPA ONETAN, BERA ZAARRENA IZAN DA:**

Orregaitik erakutsi bear dautzagu bakezko gizon/emakumeak garala, borroka barik, baiña indartsu eta ezeren gorroto barik.

Gure Jose Antonio`k esaten eban antzera. Bai-ta gure Gazte izkillatuak esaten ebazanek eriotzaren aurrean askeneko berbatan, "LUR-GORRI`k " adibidez:

"EZ NEGAR EGIN NIRE ERIOTZARI; ZUEN ARIMETAN BIZI DAITELA POZTASUNA, NIRE BIZITZAN BIZI DAN-LEZ, UNETXO ONETAN. NOLAKO EDERTASUNA ! "

"NIRE ERIOTZA-GAITIK EZ DOT-NAI GORROTOZKO APENTZARIK BAT-ERE. ABERTZALETASUNA TA ADOREA, ABERTZALETASUNA!. ORI DA! NEUK ESKATZEN DOTEN APENTZA BAKARRA "

"BETIRAUTASUNERA ARTE. AGUR. GAUR, IÑOZ BAIÑO GEIAGO MAITATZEN ZAITUEN ZUEN SEMEAK "

Or! daukagu Ibarretxe`tar Juan Jose`k, bere jaurkintzagaz atara dauan esondapena, "EBATU DAIGUN INDAR GUZTIAGAZ " GURE ERRIAREN NORTASUNEZKO IZENA, MUNDU`ko ta EUROPA`ko ERRI GUZTIAKAZ IDATZITA EGON DAITEN IÑUNGO ZALANTZA BARIK "

**Atutxa`tar Paul**